



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Vis sacramenti & species sacramenti quomodi differunt. tit. 114

urn:nbn:de:hbz:466:1-29452

VIS SACRAMENTI ET SPECIES sacramenti quomodo differunt.

TITVLVS CXIII.

TRIA notantur. Primò, quòd sunt duo, vis sacramenti, & species sacramenti: sub his enim solū videtur corpus & sanguis Christi, gustatur & comeditur. Secundò, quòd externæ species nihil gratiæ per se conferant. Tertio, quòd remissio peccatorum non in mādicatione specierum consistit, sed in fide.

Primò, vis sacramenti est, credere verbis Christi, Matt. 26. Hoc est corpus meum &cæt. Hic est sanguis meus &c. Hoc credere, apprehendit virtutem & gratiam sacramenti. Et sic dicit Augustinus: Crede, & manducasti. Sic SS. patres veteris testamenti manducarunt & biberunt sanguinem Christi in fide futuri, & hodiè sub Turca Christiani. Hæc est potissima & optima communio, sine qua realis communio nihil prodest. At species sacramenti sunt panis & vinum, sub quibus solū videtur, comeditur, gustatur corpus & sanguis Christi externè, sed fides intus apprehendit gratiam.

Secundò, species externæ sacramenti nihil de se conferunt gratiæ, sicut nec aqua baptismi, vel species aquæ, sed operantur per fidem, vt primum medium. Subindè per has species Deus virtutem & vim sacramenti, Psalmo 83. gratiam & gloriam dabit Dominus, id est, non species sacramenti. At DEVS per fidem & vnā speciem, in qua totus est CHRISTVS, aded potest operari, sicut in duabus speciebus virtutem Sacramenti. Et cū iam Ecclesia spiritu sancto ducta, sic sub vna administret, ideo tota vis sacramenti etiā sub vna specie accipitur. Ideo peccant,

cant, qui Deum sic volunt cogi, & salutē alligare ad
vtranque speciem, qui alioqui dicunt, solam fidem
seruare. Secundò, quòd pluris æstiment vtranque spe-
ciem, quàm catholicam vnitatem, quæ tamen omni-
bus sacramentis præfertur, 1. Cor. 13. Species nihil vi-
trà habent, quàm significationē, quòd sanguis à cor-
pore in passione fuit diuisus. & quòd corpus est obla-
tum, sanguis effusus pro peccatis nostris, Roman. 4.
Mortuus est &c. At dicunt: Christus sic dedit Aposto-
lis, & ppecepit omnibus hominibus dare. Respon-
deo, quòd Christus dedit Apostolis, hoc omnes con-
fitemur ex Euangelistis, Matth. 26. Mar. 14. Luc. 22. 1.
Cor. 11. Sed Christum præcepisse Apostolis, vt omni-
bus hominibus sic darent, hoc non potest aperte do-
ceri. Non ex hoc probatur, quòd dixit, Bibite ex illa
omnes. Nam illi omnes fuerunt Apostoli, qui etiam
biberunt omnes, Marc. 14.

At consecratur sacramentum sub duabus speciebus
duplici de causa. Primò, vt à fidelibus sumatur, tan-
quàm publicum testimonium fidei Christi: subindè,
vt memoria mortis Christi celebretur & vt apertius
significetur, quòd à corpore Christi fuit primò sepa-
ratus sanguis eius, idèò sacerdos vtranque facit. At
Apostolus vna specie sufficienter communicatur si-
ne omni periculo, nam de duplici specie contendere,
solùm est libido rixandi. Singulæ enim species etiam
separatim significant corpus Christi esse oblatum, &
sanguinem esse effusum pro peccatis nostris.

Tertiò, tria sunt sacramenta instituta ad remissio-
nem peccatorum: Primùm, Baptismus, Act. 2. secun-
do, Marci vltim. Secundò, pœnitentia in lapsis, Ioan.
20. Accipite Spiritum sanctum: Quorum remiseritis
peccata &c. Tertiò, vntio extrema, Iacob. quinto, Et
si in peccatis erunt, remittentur eis &c. At eucha-
ristia non instituta est in remissionē peccatorum, sed in
vniõnem, Ioan. 6. qui manducat me, in me manet, &
ego

ego in eo: & propter charitatem in nobis excitādam, 1. Corin. 10. Vnus panis, &c. Et in memoriam, quòd Christus redemit nos suo sanguine &c. Error est, sentire hic accipere remissionem peccatorum. Nam si manducatio sacramenti tolleret peccatum, tunc baptisimus, poenitentia, vnctio, frustra fierent, & nullus fornicator, odiosus, auarus, &cæt. deberet abstinere, quia ibi sumeret remissionem peccatorum, quod falsum est. Christus dicit Ioan. 6. Qui manducat me, in me manet, & ego in eo. Non dicit, Remissionem peccatorum habebit &c. Manendum igitur est in fide & vnitate Catholica, sicut antecessores nostri fecerunt.

Respondeant sc̄tæ: Cùm primò panem solum recipiunt, id est, priorem speciem, secundum ordinem, subindè calicem etiam secundum ordinem: quæritur, Quid in hoc interuallo temporis cùm sumerent primam speciem, acceperunt antequàm altera sumeretur? Si in prima specie totum fuit sacramentum, id est, corpus, sanguis, vita, diuinitas &cæt. Si hoc credunt, Ad quid sic vrgent alteram speciem, quandò simul vtraque datur? Si non accipiunt in priori specie totum sacramentum & corpus, ergo exangue corpus & solum panem, non transsubstantiatum accipiunt, &cæt.

AN PLURES DICANTVR

*esse Missæ, de Christo, & de Sanctis
& mortuis.*

TITVLVS CXV.

RIMò notandum, quòd solùm, in re, id est, in opere est vna Missa, nō plures, siue dicatur priuata vel publica, pro viuis aut defunctis, de sanctis, Trinitate, Maria, Petro, Paulo, &cæt. pro infirmis & sanis, pro varijs necessitatibus, qualitercunq; nomen